

瑤

華

集

瑶華集卷九

滿江紅

七十九首

尾犯

一首

霜天曉角

一首

梅子黃時雨

一首

淒涼犯

一首

臨江仙

一首

惜秋華

二首

玉漏遲

一首

六么令

三首

掃花游

二首

應天長慢

一首

滿江紅

蒜山懷古

吳偉業

沽酒南徐聽夜雨江聲千尺記當日阿童東下佛狸深

入白面書生成底用蕭郎裙屐偏輕敵。笑風流北府好  
談兵參軍客。人事改寒雲白舊壘廢神鴉集。儘沙沉  
浪洗斷戈殘戟。落日樓船鳴鐵鎖西風吹盡王侯宅任  
黃蘆苦竹打荒潮漁樵笛。

白門感舊

松栝凌寒挂鍾阜玉龍千尺記那日永嘉南渡蔣陵蕭  
瑟群帝翔翔騎白鳳江山縞素觚稜碧躡麻鞋血淚灑  
水天新亭客雲霧鎖臺城戟風雨送昭丘栢把梁園  
宋寢燒殘赤壁破衲重游山寺冷天邊萬點神鴉黑美  
漁翁沽酒一簑歸扁舟笛。

重陽感舊

把酒登高望北固。崩濤中斷。還記得。寄奴西伐。彭城高  
譙。飲至凌歊。看馬射。秋風落木。堪傳箭。歎黃花依舊。故  
宮非江山換。獨酌罷。微吟倦。斜照下東籬畔。念柴桑  
居士高風。誰見。佳節又逢重九日。明年此會。知誰健。論  
人生富貴。本浮雲。非吾願。

贈南中余澹心

綠草郊原此少俊。風流如画。儘行樂溪山佳處。舞亭歌  
榭。石子岡頭。聞奏伎。瓦官閣外。看盤馬。問後生領袖。復  
誰人。如卿者。雞籠館青溪社。西園飲東堂射。捉松枝

塵尾做些聲價，賭墅好尋王。武子論書不減蕭，思話聽  
清談，疊疊逼人來從天下。

過虎丘申文定公祠

相國祠堂看古樹，蒼崖千尺聽斷澗。轆轤聲緊闌干吹  
笛，士女嬉游燈火亂。君臣際會松杉直，任年年、惡雨打  
荒碑。兒童識。今古恨與亾蹟，白社飲青門客。歎三公  
舊事，吾徒蕭瑟。歌舞好隨時，世改溪山到處還。堪憶儘  
浮生，風月倒金樽，千人石。

感舊

滿目山川那一帶，石城東冶。記舊日、新亭高會，人人王

謝風靜旌旗瓜步壘月明鼓吹秦淮夜算北軍天塹隔  
長江飛來也暮雨急寒潮打蒼鼠竄宮門瓦看雞鳴  
球下射雕盤馬庾信哀時惟涕淚登高却向西風灑問  
開皇將相復何人亾陳者

拜岳鄂王墓敬和原韻

龔鼎孳

鐵騎春寒英雄恨何時始歇對萬古日飛潮射抗忠比  
烈玉劍氣橫南渡水靈旗夜捲朱仙月念青衣行酒是  
何人關情切金牌憤風波雪社稷事東窗滅歎一堆  
黃土河山頓缺五國水長封馬鬣九天雨又吹龍血憶  
當年壯髮怒雲高搖雙闕

和王昭儀

吳易

回首昭陽千里外，愁雲凝色那堪憶。蛾眉初入承恩路，  
闕曲鳳股勤團扇，底當熊宛轉金輿側。歎帝城煙景入，  
悲笳繁華歇。驪山恨終難滅，青塚怨何須說。對新齋，  
清磬暗沾襟血。苦竹春迷，瑤瑟雨衰，蘭秋老，銅仙月，願  
化爲綵石，補還他，乾坤缺。

想山居

黃周星

十畝之間千嶂翠，一溪縈綠結茅舍。後依嘉樹前環修，  
竹池上草堂楊柳暗。亭前藥圃蘭芸馥，更安藏鸚鵡小。  
粧樓紅闌曲，南向樂書千軸。醉鄉樂醪千斛，有黃雞

紫鱸故人情熟春雨一簑耕與釣秋雲萬樹樵兼牧命  
兒曹檢點舊詩瓢生涯足。

拜岳鄂王墓

卓人月

臣罪當誅對二聖恩波未歇稽謚法南陽比志汾陽同  
烈恨極冰天啼凍雨憂來潭水吟寒月向宵燈長夢戰  
中原抽刀切。牌上字冤難雪背上字痕難滅歎未成  
一簣爲山功缺七日紅枯荆客淚三年碧盡周人血請  
千秋賣國巨姦來瞻宮闕。

泊滕王閣下

梁清標

森森寒濤着百尺層樓高結問此地何年画棟幾時明



月帝子閣空雲已散詞人賦就名還揭挂征帆對酒數  
憑闌江天雪 簾捲處嵐光疊霞影外沙沉鐵歎樓船  
組練當年煙滅鷓首淒清鳧雁度波心滉潏魚龍咽攪  
笙歌客醉舊江山鄉心切

雄州感舊

浪水漸漸流盡了興亡今古看一片戈船士馬珠簾歌  
舞總角曾經陘嶺月白頭更值凌江雨問當年城郭舊  
衣冠皆黃土 翻翡翠銀塘去迴紫燕離梁語歎春風  
一樣朝朝暮暮天許遠來星漢客不堪往事傷心數惟  
海南風世有何緣游重補

秋夜聞蟋蟀作

宋 琬

試問哀蛩綠底事終宵嗚咽料得汝前身多是臣孤子  
墜青瑣闥邊瓔珞草碧紗窗外玲瓏月况兼他萬戶搗  
衣聲同淒切梧葉落西風冽蓮漏滴征鴻滅似杜鵑  
春怨年年啼血千里黃雲關塞客三秋紈扇長門妾背  
銀釭和淚共伊愁牀前說

拜方正學先生祠

木末亭邊聽山鬼啾啾宵哭陽九厄衣冠道盡傷哉臣  
僕七國肯因晁錯解先生禍比溫舒酷訐當年碧血濺  
藤蕪今誰綠魚服泣君王逐瓜蔓殺門生族歎詩書

種絕何人能續簡牘空餘南史恨松杉已見長陵禿  
荒祠燈火尚青熒金甌覆。

贈李方山

齊魯之間許君是鬚髯男子歌伏櫪壯懷消滅肉生雙  
髀草檄百蠻功未展裏糧五嶽游方始算春秋三萬六  
千塲平分矣。鴻鵠志誰能擬薑桂質終難徙肯隨他  
淮橘化而爲枳孔北海豪杯尊在孟東野老詩篇美倚  
江樓秋夜聽吹簫魚龍起

燕臺懷古

易水東流與西去荆卿長別祖帳處三千賓客衣冠如

雪督亢圖中雷電作咸陽殿上襟裾絕恨夫人七首竟  
何爲同頑鐵。漸離筑笙歌咽博浪鐵車輪折縱奇功  
未就祖龍褫魄一炬翻令燕國蹙九原悔與田光訣歎  
千年寒水尙蕭蕭虹霓滅。

白門迎春

王岱

點破殘寒東風煖爲催春早聽深巷賣花聲亂綉簾粧  
曉金縷檀槽歌子夜松茵油壁迎蘇小看人忙如蝶苦  
消魂知多少年如舊人空老無情事多情惱歎六朝  
如夢又生芳草天自傷心天不語春惟有恨春難好願  
從今一洗可憐腸金尊倒。

草堂小集和申晁盟

紀映鍾

被襟才過新水淨，練痕拖曳歎滿地。韶光怕駛暮年尤切，何處玉簫吹子夜。不堪岸柳飛晴雪，看井闌百尺轆轤催何時歇。春明外如雲陌，西清內如鈞月。儘六街塵夢把人翻閱，到日藏煙餽粥冷歸途。汗血桃花熱勸先生且小住，爲佳徐徐說。

同邵邨省齋集笠鴻浮白軒

余懷

自笑狂夫何處是，埋憂之地攜手過城南。章杜偶然游戲臺榭，舊依江總宅。笙歌合奏香山伎，惟次公不是醒而狂。公真醉，青衫客偏嫵媚。紅豆曲傷憔悴，論四時。

風月清秋爲最，莫倚善題鸚鵡賦。且教照見鴛鴦字，倩  
周郎一顧，轉春鶯屏花碎。

社集綺園

吳綺

秋色佳哉，正時在楓前菊後，更喜遇楊亭勝侶，移尊相  
就。月下橫牀，依碧樹花間，記曲添紅豆。問今宵樂事，定  
如何，西園又。真不夜，渾如畫。吹玉笛，傳銅斗。任露華  
和酒，共沾羅袖。魚鳥豈知家國事，盤觴且老英雄手。把  
浮雲指點，向諸君，吾何有。

哀江南

周季琬

舞罷歌沉，問多少黃金輕擲，止遺得荒煙數縷，斜陽半

壁萬壑哀聲驚雁斷千家別淚雲如溼記南朝鐵鎖舊  
橫江沉雲黑 蒼不得東山屐擊不盡中流楫且息交  
閉戶狂吟岸幘幾樹啼鳥南內冷滿城搗練西風急對  
樓前猶是去年山傷情碧

長安古意

曹爾堪

槐市花黃長楊賦金闈登薦回首近恩深侍從至尊重  
脊高閣曾燃藜杖火官厨黍預櫻桃讌說匡詩一夜裊  
爐煙聞稱善 慚逐隊瀛洲院頤名人蓬萊殿痛天昏  
地坼崩雷掣電遺詔僅留金殿秘御容難向橋山見正  
消魂銀海雁孤飛霜如練

湖上東荔裳

六一祠邊槐火熟。石泉微漲。衣短後來看西子。鏡奩無恙。簷瓦聲中山雨到。墻桑影裏溪雲上。望湘湖三月熟。櫻桃先貽餉。蘋浪蹙。虫絲漾。薄薄酒紅紅唱。說泥封。桺貫黃魚白釀。擬種綠蕉。聊代楮偶。尋方竹。裁成杖。憶此時海市在登州。紛千狀。

暮春桺

毛先舒

一片殘陽映幾處。河橋晴色。問當日征衫別淚。爲誰沾溼。暮雨瀟瀟魂已斷。白雲冉冉愁無極。減風流不似鬪。腰支初相識。章臺路春狼籍。灞水岸煙斜織。鷓鴣紅塵



無數馬蹄輪跡飛絮影隨風上下離人望斷江南北怕  
重來剩有亂蟬嘶千條碧

秋日西潛

宋 犖

過雨西潛草堂裏間看新漲病初起塵襟頓遣詩懷無  
恙波影如雲當岸走蘆花似雪綠階上見攜來尺半鯉  
魚肥鄰翁餉衰柳下扁舟漾夕陽外漁歌唱更舉杯  
邀月同傾花釀高興漫裁金縷曲狂游還覓青藤杖但  
煙霞深處作生涯真無狀。

白登懷古

馮雲驥

倚劍登臺凝眸望蒼然懷古想昔日英雄劉季馳驅策

字紫塞飛沙黃屋震黑山嘶馬紅旗怒刺斷戈空壘弔  
斜陽消塵土。柳凋落長城路。楓蕭瑟兵爭處。只殘鴉  
朝噪野狐夜語。華表雀歸城郭改鼎湖龍老風雲去。望  
南郊秋色鎖孤墩煙如縷。

和悔庵題影

彭孫適

解組歸來便黃綺欣然相許。休重問屈生詹尹賈生季  
主酒後擘牋霏豔雪花間量屐黏香雨待殺巾葛幘老  
溪山招尋處。絳灌在堪誰與。羲黃遠遠空佇。向歌樓  
乞食講筵高路。右北平中埋羽箭吳東門下沉簫鼓。但  
短衣匹馬盡餘年無他語。

湖中聞美人度曲

徐階鳳

雨歇波平來劃破一湖新綠。忽聽得鄰船低唱非絲非竹。不是潯陽江上調。將無燕子樓中曲。想多情亦爲乍晴天聲嬌足。蘭橈轉飛鳧浴。檀板歇啼鶯續。任空香冷翠水窗相觸。格格渚禽飛野寺。陰陰山鳥啼幽谷。南高峰想亦怕聞歌愁螺蹙。

汴京懷古十首

陳維崧

壞堞崩沙人說道古夷門也。我到日一番憑弔。淚同鉛瀉。流水空祠牛弄笛。斜陽廢館風吹瓦。買道旁濁酒醉先生班荆話。攝衣坐神閒暇。北向到魂悲咤。行年七

十矣翁何求者四十斤椎真可用三千食客都堪罵使  
非公萬騎壓邯鄲城幾下門 夷

又

鉛筴無成不信道英雄竟死猶有客棄家破產東求力  
士太息已看秦帝矣悲歌只念韓亾耳道旁觀誰道祖  
龍耶妾男子 徂擊處悲風起大索罷浮雲逝歎事雖  
不就波騰海沸虜政關河空宿草劉郎宮寢成荒壘只  
千年還響子房椎姦雄悻博浪城

又

汜水放倉是楚漢提戈邊界想昔日名姬駿馬英雄梗

概榮澤波痕寒疊雪成臯山色愁凝黛歎從來豎子易  
成名今安在。俎上肉何無賴鴻門斗真難耐算野花  
斷鏃幾更年代秦鹿詎爲劉季死楚猴甘受周苛賣笑  
紛紛青史論都訛因成敗

廣武山

又

太息韶華想繁吹憑空千尺其中貯邯鄲歌舞燕齊技  
擊宮女也行神峽雨詞人會賦名園雪美天家愛弟本  
輕華通賓客梁獄具宮車出漢詔下高臺坼歎山川  
依舊綺羅非昔世事幾番飛鐵燭人生轉眼悲銅狄着  
輕衫半醉落霜鵬弓弦春

吹

又

野渡盤渦中牟界濤翻浪走。勒馬看殘山剩水一番回。  
首斜日亂碑森恠蝟危岡怒石蹲奇獸笑中原從古戰  
場多陰風吼。炎劉鼎嗟淪覆袁曹輩工爭鬪看金戈  
塞馬喧逐馳驟浪打前朝黃葉盡霜封斷壁青苔厚。又  
幾行雁影落沙洲多干豆。官渡

又

宋室宣和看良嶽堆瓊砌路也費過幾番錘鑿兩朝丹  
堊花石綱催朱太尉寶津樓俯京東路昔銅駝洛下笑  
人忙曾迴顧。花千朵雕闌護峰萬狀長廊互使神搬

鬼運無朝無暮。一自燕山亭去。早故宮有夢何由作。歎  
此間風物劇催人。成南渡。良嶽

又

曲水金塘流不盡。汴京遺事。記當日昆明水。戰都亭百  
戲。相國寺前燈似晝。南熏門外天如水。恰政和天子趙  
官家多才藝。火仗轉星毬墜。水幄捲雲房蔽。正扇分  
雉羽。橋排雁齒。此夜只憐明月好。當時那曉金人至。記  
居民拂曉撥菰蒲。尋珠翠。金明池

又

比宋樊樓縹緲。見彤窗繡柱。有多少州橋夜市。汴河遊

女一統京華饒節物兩班文武排簫鼓又墜釵鬪起落  
花風飄紅雨西務裏猩唇煮南瓦內鸞笙語數新粧  
炫服師師舉舉風月不須愁變換江山到處堪歌舞恰  
西湖甲第又連天中王府樓

又

古玉津園斜陽照滿陂蘆葦渾不見銅街鐵市層樓列  
戟陰慘慘兮門自鎖冷冷清清地船誰摘繚垣邊竟個不  
愁人如何得白玉沓黃金櫺闌芳樂樓青漆任淒風  
苦雨籠窗動壁春去鳥啼樊重里月明花落王根宅壞  
廊斜石獸趁行人行人嚇

玉津園



又

汴水分藩憶帝子。金床玉冊。人都羨憲王。才調孝王儔。  
匹椒殿。丁年喧鼓吹。桂宮甲帳。緡圖籍。唱誠齋樂府。夜  
深時。筆琶急。蔡河漲。蘭橈織雁池。汎龍舟。疾記牡丹  
時節。排當宿直。一夜黃河瓠子決。滿城紅袖。梨花溼痛  
波。飄菰米入宮牆。沉雲黑。周

中秋直院

顧貞觀

鳳紙中宵親捧出。九天珠玉。算只少添香侍史。對燃官  
燭。絳節高飄。銀漢轉紅萼。靜拂金波浴。桂輪斜夢。斷小  
山秋寒凝綠。欵枕處。殘更促。聽蓮漏疎鐘。續乍平明

奉帚五雲晴簇煙。裊鵲爐三殿。啓響傳魚鑰。千門肅憶  
草橋霜月舊。雜聲驚黃屋。

初入燕憶故園春事

錢芳標

豔日烘花算游福。吾鄉剛起童冠輩。春衣葉葉偕從點。  
爾絃索。画橋連夕舫。鞦韆碧榜誰家里。約紅兒南陌踏  
青歸。微酣矣。平原宅春申水。靈威洞梅真市。有鬪茶  
燒筍。吳儂長技。試問臺邊淹駿足。何如廡下棲高士。縱  
爲歡。三萬六千塲。蟬螿耳。

味春風疊前韻

杏塢桃溪看二十四番。頻起數不盡。胭脂萬點。飄零爲

爾靜夜笙簫平樂苑。侵晨簾幙長千里。散都梁微逗綉  
裙。開魂消矣。鱗片片。青蘋水。塵漠漠。青槐市。喜禁煙  
節近。紙鳶施技。柳岸酒醒思少日。蘭毫賦獻輸朝士。借  
封姨吹送曉鶯聲。征夫耳。

西湖感舊

董俞

綉甸春濃酒帘外。青山無數。還記得。桃花滿院。劉郎前  
度。紅燭。画橈臨別酒。碧簫殘。雨相思。路看韶光零落。斷  
橋邊。斜陽暮。無限景煙中樹。無限意。風前絮。對澄湖  
如鏡。玉人何處。豔影尙疑花欲笑。麗情只有鶯能訴。歎  
西陵。松栢自年年。風流誤。

咏柳

沈謙

幾個鶯梭早織就。千絲萬縷。最苦是蘇堤欲曉。灞橋將暮。媚眼未醒開。又合纖腰半倒。扶難住。重沉沉。搭在玉闌干。和煙雨。還記得。長亭路。曾折送行人去。恁牽纏似我。別時情緒。簾黑夢。回應有淚樓高日斷。渾無語。隔青山。不見紫騮歸。蒙天絮。

咏燈

獨對銀缸聽街鼓。不堪愁絕。却又是春陰陡暗。晚風偏劣。耿耿未成。虛枕夢搖搖。轉覺空房怯。鎮淒涼。流淚溼黃昏。花重疊。雲髻擁。齊肌瞥。徒想像。增嗚咽。怎照人。

歡會照人離別。欲簡私書還剔起。怕看孤影將吹滅。恰  
纔餘一燄。解羅衣。翻成結。

讀沈遘聲新詞次洪昉思韻

落魄誰憐。纔幾日。髻中堆雪。則除是。獼兒能見。鸚哥能  
說。過眼花隨流水去。斷腸人向西風別。助淒涼。枕上玉  
簫聲。燈明滅。情已盡。猶啼血。言不盡。空存古。似殘鶯  
宛轉。冷泉幽咽。夢醒忽驚。時序改。愁來不信。乾坤闕。再  
休將醉墨寫相思。生綃裂。

閨思

王屋

綠羽差池。漸繞徧人家。池閣看日夜。東君催放。萬花鎖

鑰玉勒競誇青野駛。画船爭近朱樓。泊問江魚早晚欲  
登筵。思前約。門半掩。期如昨。簾半捲。人如削。倩啼鶯  
留住。後庭紅藥。薄薄煙迷楊柳。渚輕輕。雨打梨花。落被  
東風窺見。獨眠情。閒羅幙。

春閨

吳棠植

試上高樓晴。山樹江城啼鳩。疎煙外。珠簾半捲暮春時。  
節。燕子團風。花上下。鶯聲催酒人離別。望歸舟。只見綠  
楊橋。愁千疊。看翠被。因誰設。流紅淚。何時歇。算帳中  
雙影。夜來還缺。香瘦小牀金鴨冷。夢飛遠。塞銀燈滅。厭  
銅壺。點點斷腸天。三更月。

競渡

嚴繩孫

生老樊川說不盡水嬉狂興記當日湖光十里画橈相  
竝金管風多聽又失珠簾雨細看難定算陳思着眼不  
曾多驚鴻影。凭船意應難省。拋醉纈朱榴映儘繁華  
都付藕絲風領。一簇愁紅空極浦半湖柔綠浮歸艇正  
高樓人在柳陰中煙光暝。

塞上咏葦

朱彝尊

絕塞淒清又誰把秋聲畱住。斜陽外寒沙播漾亂山無  
主瑟瑟乍驚心欲碎茫茫不管愁如許伴西窗燈火坐  
黃昏蕭蕭語。催一陣茅簷雨攪一片霜林杳爲伊想

徧了別離情緒酒渴三更人散後月明千里鴻飛處夢  
滄江添箇釣魚船風吹去。

同伯成梁汾九日惠山觀射

陸棻

老去悲秋看眼底秋光多少只九點青青留得半竿殘  
照帆影望窮煙水接角聲吹徧雲山繞乍開輪霹靂碎  
晴空驚鴻悄今古事樽前帽剛一霎風吹了任紫萸  
黃菊年年相笑且拂蒼苔題絕壁從遺斷鏃埋荒草憶  
同時青髻着邊霜盧龍道。

金臺懷古

曹貞吉

落焰蒼然空掩映荒臺數尺憶當日君臣之際悲哉昌



國七十二城如解籜功成翻削英雄色讀先生一紙報  
燕書爲沾臆。碣石畔風蕭瑟。卽墨下牛騰擲笑安平  
奇計兒童能識騎劫庸才何足道可憐戰血凝溪碧問  
千金馬骨倩誰埋邯鄲陌。

雨中過唐朕虞飲却贈和散木 鄒祗謨

北郭東臯開三徑伊人靜處何來客征帆初下水餐煙  
語甕底老春拚盡倒槎頭縮項還重煮况朔風颯颯挾  
愁來前山雨。提壺勸賓還玉銜杯笑吾甚女愛紅堆  
膾縷綠浮茶乳四壁惟餘犢鼻在一樽且博鴟夷古美  
君家斑管尙生花聞雞舞。

易水弔古

米漢雯

擊筑遺墟竟故壘盡成陳迹想當日啣杯西發壯懷碎  
易慘淡徵聲歌已杳潏淩易水寒猶昔歎燕丹豈樂蹈  
危機他無策於期頸嗟函赤夫人七徒虛擲笑舞陽  
豎子難襄茲役仗節真堪毛髮豎密謀何必衣冠白更  
數年誰料有同心沙中客

味桺

張淵懿

何許春歸銀堦上東風料峭看是處長條低拂眼舒眉  
掃紫燕話餘斜日暮黃鶯啼斷新枝曉漸陰陰綠遍灞  
陵溪嘶驥裏郵亭畔垂絲裊深院落花飛繞縮江南

江北離愁多少。蘸水籠煙。粧閣近。揚鞭吹笛。關山杳。問  
靈和韻。致幾人如風流渺。

又

南陌春光無端被。柔條漏洩。遶池塘。氍毹弄影隨風飄。  
撇水驛樓頭。寒食雨。旗亭屋角黃昏。月慣安排青眼看。  
行人輕攀折。鶯飛處。流梭揭馬嘶處。游韁掣任綠陰。  
深淺翠描金。抹百歲韶華。曾有幾。一年一度。花如雪。漫  
殷勤弱縷。繫相思同心結。

與祖定坐從野堂看秦亭絕頂 張綱孫

坐語秦亭最憐汝。翠然獨立。口向我草堂相伴弟兄岑。

寂只說月明堪作佩。那知雲起常爲幘。又青松老去幾  
何年。莓苔黑。登臨處。千尋石。遊覽處。千山色。惟峰頭  
古殿。琉璃瓦。圻草裏。長蛇白。帝子梁間。小燕身。衣國便  
掀頰。一嘯海濤生。天風急。

題陳橋驛

毛際可

憑弔興亡陳橋驛。古槐殘葉四百載。開疆啓宇此間基  
業。北漢雄師何日返。後周王氣須臾滅。恰華山隱士墜  
驢邊。冠纓絕。香孩兆生來。別吾兒志。當年決况塵埃  
宰相。機謀先設。底事黃袍唾手得。須憑青史從頭說。歎  
千秋直筆有歐陽。韓通闕。

泊婁門喜晤韓希一

徐倬

按拍旗亭曾經唱旗亭短節。又眼見驚濤卷屋輕。舟飛  
蝶帆影收時逢舊雨燭花好處疑明月喜銀塘今夜夜  
珠來星光滴。相攜手看花陌相期望中流楫問阿誰  
堪語寒山孤碣綠柳陰中船小住黃鸝聲裏人重別恹  
東風着意惱行人吹蘭葉。

茅屋新成

成德

問我何心却構此三楹茅屋。可學得海鷗無事閒飛閒  
宿百感都隨流水去一身還被浮名束誤東風殘月杳  
花天紅牙曲。塵土夢蕉中鹿翻覆手看棋局且耽閒

殢酒消他薄福雪後誰遮簷角翠雨餘好種墻陰綠有  
些些欲說向寒宵西窗燭

舊內

周在浚

舊內之門人都道吳王故殿看陳蹟紅墻殷謁金鋪隱  
現尙有玉欄欹亂草無多碧瓦拋荒岸聽御溝流水尙  
潺潺資澆灌弔古客休長嘆鋤瓜叟閒甚美說時時  
雨後猶尋珠鈿三百年來如幻夢萬千事過成飛電記  
門前金扁尙輝煌同樵爨

黃河渡口

孫朝慶

綠柳拖陰正飛漿黃流爭渡知幾費增卑倍薄補苴拮

据竹榭空營魚鼈宅金錢祇助蛟龍怒最堪憐斷岸泣  
河臣天公訴。待議濟茫無路待議塞渾無措我聞言  
不覺惹傷悲處。細雨綈袍全溼透斜風破帽驚吹去恁  
艱辛猶自喜身閒同鷗鷺。

夜泊采石磯懷古

周而衍

采石磯邊終古是長風白浪流不盡百篇才思千杯疎  
放當日漢宮飛燕句誰能譜向亭前唱痛君王無暇鑿  
微辭終淪喪。千載遇何時忘歸去也添惆悵孤忠消  
不得扁舟長往只有滄江殘照裏惟留明月青天上白  
茫茫何處與招魂空凝望。

憶舊

陳維岳

脈脈濛濛是誰把繁華吹去斜陽外故家亭榭亂煙凝  
佇髮鬢細聞絲竹響飄零碎落銀燈雨記當場一曲牡  
丹亭消魂侶錦障裏春無數綺席畔人如許幾番趁  
偏了差池燕羽有恨羅裙尋回屨無情紈扇消金縷問  
溪邊一帶白楊花應能語

積雨後聞蟬

史惟圓

午夢驚回垂楊外數聲清絕悵梅雨連宵未盡瀟瀟聽  
徹池上鳴官蛙太苦林中逐婦鳩何拙喜新蟬初報草  
堂晴耕犂歇絃上語歌三闋屏上路愁千結似去年



此際消魂時節。飲露棲柯。聊自足。臨風傍水。何須咽歎。百年世事。沸螭蟾。從何說。

過張祖望隱居

王 暉

夾岸桑麻晴煙靄。綠陰濃漲。欣石隱草堂高臥。琴書無恙。犬吠時從溪。水度雞棲。忽出庭柯上。幸園收芋栗。未全貧。能分餉。楊花落。魚驚漾。人影亂。樵歸唱。問香來何處。埕開新釀。作賦偏多。班竹管。看雲不用青藜杖。正徘徊。纖月挂松林。如鈎狀。

味螢

姚 鑑

螢火微鮮。湘簾外。亂星如滴。最好是。初殘小雨。流光炯。

熠暗水池塘分又聚簷花顛倒疎還密。颺高樓簌簌晚  
風斜飛無力。臺榭下闌干側。驚少婦悽孤客看淡閨  
巧入繞人羅褶。儘可輕翻羅扇底。莫教浪惹蠅蛸織。伴  
蛩吟一夜好燈花相憐惜。

黃鶴樓用梅村詞韻

曹亮武

獨倚危闌聽不了江聲千尺想舊日白雲黃鶴仙人吹  
笛隱隱月中沙鳥落茫茫天外風帆直問留題誰復繼  
崔詩無人識。彈指事成陳蹟回首處愁羈客俯晴川  
芳草西風蕭瑟。赤壁爭雄今在否孤臣涕淚還堪憶。歎  
楚王宮闕但荒臺橫碑石。

分離

沈豐垣

說到分離禁不住淚淋羅帕空看着長亭荒草斜陽欲  
下清酒一杯和恨飲征帆幾幅隨雲挂怎江流曲似九  
迴腸潮偏瀉誰管領山如画還認道春無價是被兒  
纔卷尚餘蘭麝篷底由他燈黯淡夢中有個人閒推奈  
晚鳥啼破五更風愁來也

弔林和靖先生墓

梁允植

面面湖波煙光裏峰巒一曲翠影滴枕流環石幾椽茅  
屋蝕壁苔痕滋洞壑沿堤梅蕊飛香玉羨徜徉寄傲老  
山家芳林綠開三徑看霜菊攜二仲聽風竹任浮雲

聚散何圖榮辱掃徑移花清課早種瓜澆酒生涯足更  
凌晨縱鶴破空冥飛來熟

中秋夕秋分

萬樹

白露將寒剛此際平分秋色况屈指良宵三五恰當今  
夕日次壽星躔度正月臨虛宿清陰直聽鄰翁道與歲  
朝春同難得誰獻賦染園筆誰倚曲南樓笛料天邊  
嘉會也開瑤席白帝金輪風擁到素娥玉佩雲扶出問  
可知人世有狂歌悲秋客

同徐孚若訪趙氏鶯粟花

葉奕苞

竹屋松窗忽點染妖紅豔紫春歸後誰家留下一叢嬌

蕊蜀錦亂翻雲細纈并刀誤剪綠難理盼西鄰宋玉笑  
嫣然魂消矣。停香陌車如水圍步障人如蟻看白頭  
紅粉画欄同倚勝地不常應放浪看花又屬明年事只  
鍾情詩酒亦何妨甚驅使

悼人

儲欣

一別於今問何處魂兮飄泊場會歷淺寒深冷天高木  
落惡景人間三五變幽房是否增蕭索痛歸些蝶夢二  
更寒仍香閣。大小事都操作冷煖話都沉着恨千秋  
彤管慣遺貧薄敲枕夜長憎玉漏摠饒漏短人非昨也  
幾番擬把斷腸收難忘却

過夏太常賜榮

名景上圖竹

徐履忱

石馬金輿傷心事百年如昨閒登眺殘碑斷表還依佛  
閣千箇琅玕春粉散一簾風雨松濤落且攜朋閒坐九  
龍墩同盤礴書畫好尊彝錯思寵盛君臣樂歎滄桑  
劫火誅求谿壑鄉里粗能知故老兒孫無計安耕鑿總  
歸來難識舊江山途東窶

前題

朱用純

畫景清和閒尋訪南城遺迹鬱蔥處濃煙一桁賜坐松  
栢殘碣猶書恩紀盛一坏難免征求迫強枝梧賴有子  
孫賢承光澤遠舍後篁千尺渭川冷湘江碧好鵝谿

百幅當年墨蹟多少玉魚金椀地平沙淺草颺颺宅蔭  
長楸話舊夕陽前空悲惜

飲張登子南華館

王 紹

画舸頻移早近是園亭秋色門啓處臨流小閣野花幽  
絕曲檻迴廊堪坐嘯一聲啼鳥悠然別更環山面面翠  
峻噌螺千結芳樹下藤蘿折雲根罅苔痕缺人生行  
樂耳悲歌奚益徙倚竟忘歸路遠松邊疑有微茫月把  
清尊誰是倦游人江南客

贈顧梁汾舍人

蔣景祁

才擅題紅記共羨書生洛下今憔悴長沙太傅成都司

馬宣室夜分頻賜對玉釵曾向臣冠挂剩風流填寫入  
新詞時常把。算綺語都爲假。是其色原無價。向花間  
游戲酒旗飄惹。拚得生前呼薄倖。儘他曲裏供評話。憶  
銷魂幾度夢如塵香羅帕。

同梁汾雪客登千佛寺閣仍用前韻

高逼諸天彷彿見。諸天上下。軒楹外。迷離一片塵埃野  
馬。歷劫鶯花春事早。無邊雲海游絲挂。只入林散髮待  
何時欣同把。問變幻浮漚假。論貴賤詢奴價。歎今來  
古往閒情休惹。異地客逢鄉語好。六朝僧共三生話。便

空王也自替人愁。薦紅帕。

方丈王僧  
爲吳郡人



聞雁

閨秀 徐 燦

既是隨陽向不向東吳西越也只在黃塵燕市其人淒  
切幾字摧殘風雨夜一聲叫落關山月正瑤琴彈到望  
江南水絃歇。悲共喜工還拙念載事心閒發那從頭  
喚起滿前羅列。感沼漁磯何處是荷衣玉佩憑誰決且  
低飛莫便入高雲明春別。

中秋旅泊

顧 氏

爲問姮娥何事便一生就闊也曾到濯龍池畔長生殿  
角伴我綺窗朱戶影辜他碧海青天約倩回風迢遞寄  
愁心隨飄泊 五色管今閒却千石酒誰斟酌又天涯

羈旅鬢絲零落，別夢匆匆，偏易醒。遠書草草，仍難托。判  
長眠憔悴，過三秋人如削。

尾犯

聽三絃

曹溶

纖甲印檀槽，小院薜蘿懷抱，輕寫寂寞。寂寞難捱，疎狂易惹。  
兒女態，調紅撥翠。丈夫心，鬪雞走馬，誰家絃管，唱出離  
愁。莫問多情者。沈郎腰帶，瘦鷲在筵前，燈下。值得蕭  
娘笑，團花片打。最無端，逗人天際一聲聲，蜂呆蝶啞，曲  
終春謝，拚取沉醉歸來也。

霜天曉角

九日豫章道中

閻秀徐媛

帆輕一扇曉色碧連秋岸。林破寒煙，星河澹落，青山如染。露浥芙蓉，茜翠澁枯棠瓣。傷疎柳、西風幾點。關鐸沉雞塞遠。行行向緩。家在綠雲天半。念歸舟、游子一片。鄉心撩亂。菊黃金綻。滿首插茱萸遍。兀坐逗遛江畔。對旅雁沙汀，盼煞白蘋秋苑。

梅子黃時雨

本意

錢芳標

紅綻纔肥，鎮煙鎖樾陰珠響。簷霞笑睡，損香闥、誤辰爲酉。閒喚司書覓塵防他黠。滲湘囊舊熏籠覆。一線水沉

時透鴛袖。消瘦新疎。詩酒儘清齋。綉佛聊遺。長晝更  
蟹眼閒烹龍團私鬪。三十六陂。秧水濶空濛。不似前裙  
候微暉。漏又被。婦鳩僂僂。

淒涼犯

寒柝

陳枋

猶兒小吠無人處。白楊蕭巷。風角燕市。酒徒醉眠方罷。  
號寒金柝。初疑剝啄。打何處。重門人覺。又驚疑。女郎砧  
響無數。遠村落。淒警三更。後城北城南。不會寂寞。分  
明一夜。聽江鄉水。天姑惡。拂曉殘聲似荷背。將闌雨脚。  
夢難圓。霜天又白。那睡著。

臨江仙 晏同叔體

枯荷

朱彝尊

三十六陂遠半竿日澹。向風歛。阿撓靜來菱人也。都  
歸幽期記紅袖滿碧筒勸舊侶全稀。空留得。恁人夜  
半聽雨柴扉。江妃亭亭翠蓋水佩零落無遺。刺寒蘆  
折葦相暎苔磯。淒其看晨颺裏鴛鴦任凍了。還飛漁翁  
笑日。香包冷飯針補秋衣。

惜秋華

牽牛花

李良年

亂插疎筠訝西風吹挂碧綃如剪。昨夜露華娟娟冷波

盈盞生來只戀秋。河開不到斜陽都捲。誰伴有流螢半  
簷涼。蛩一院。婉約儘堪翫。甚朝朝暮暮把鉛容頻換。  
微雨乍晴。低翠幾番深淺。年時憶控簾鈎。映小窗暑殘。  
清簟休喚。怕停梭那人愁見。

前題

高層雲

碧篠芳畦引輕絲。纏裊亂鬢。拍露影淡絳河。微微嫩涼  
初曙。翠綃荏苒。隨風還倩。把纓裙畱住。開處有疎莖敗  
葉殘。蟬荒樹。黛色儘堪妬。愛娟娟冷豔。映水奩。斜照  
欹倦花鈿。悽絕。柳陰當午。停梭閒對幽叢。任銷凝。隔紗  
無語。愁暮洗秋容。最宜纖雨。

玉漏遲

別意

宋徵璧

銀燈還未滅。生憎玉漏。今宵輕度。漫倒金尊。百罰深杯。頻訴銅鴨篆。煙微裊。掩六幅雲屏。香霧。郎且住。霜濃馬滑。聲聲休去。便教款語多情。但月下花前。分飛最苦。攜手臨風。陡整從前愁緒。惜別牽衣。躑躅漸紫。陌雞鳴。人語。天欲曙。雙雙暗彈珠露。

六么令

咏桃

吳偉業

一枝穠豔。蘸破垂楊色。到處倚牆臨水。裝點清明。陌障

袖盈盈粉面獨倚斜柯立。淡紅淺白無言。忽笑闌盡鉛華半無力。年年閒步過此柳下人家。識煙臉嫩霧鬟斜。勝斷東風客。燕子欲來還去。滿地愁狼籍。芳姿難得韶光一片。囑付東君再三惜。

鶴嶺晴嵐

牛 魚

芙蓉高插嵐影飛晴色。招朋共來遙望。空際連煙碧。孤鶴天邊獨唳聲。向雲中出。無窮堪憶。千楓萬柳。風響秋林戰乾葉。高臺遙聳萬仞。共指垂綸跡。誰料我偶攜琴暫作春江客。他日扁舟歸去。載得江頭石。中情偏切。滄桑轉瞬。水底沉碑盡陳蹟。



用趙氏事贈舍人武昔

朱彝尊

雄飛鳳沼

淵

科第舊家數

不

近傍雙溪苔雪一片鷗波

任才氣縱橫莫敵

王

遠邁荀陳杜

嚴

盤車講學元惜

香按曲

卿

長笛爭傳倚樓句

嚴

休恨一囊錢少更續

東京賦

去

著成吳越春秋定有中郎遇

下

此日營平未

老國銀印終當付

竟

一簾冬日

衰

折枝花好昌笑見羅

浮早梅吐

帥

掃花游

試茶

朱彝尊

杏花過了正殺雨初晴  
遶離雲水曉山十里見春旗乍

轉綠槍未試。立盡濃陰。聽到吳歌。徧起。焙香氣。一縷午  
煙人靜。門閉。清話能有幾。任舊友都來。素箋頻遞。悶  
懷盡矣。况年來病酒。夜闌須記。活火新泉。夢遶松風。曲  
几暗燈。裏隔紗窗。小童斜倚。

送徐果亭宮坊假歸和孫赤崖 蔣景祁

銅籤夜警。正院燭初歸。画闌微省。吟鞭早整。趁晴陽媚  
柳。煖風催杏。衣拂巖廊。暫赴煙霞。管領雁行。竝。此日太  
平。且付公筭。茂苑清晝末。料花外鶯聲。酒人啼醒。筠  
籃焙茗。酌盈盈。雨後松根泉冷。咫尺鱸鄉。何處紅塵冥  
冥。竊私幸。好追隨。綠波漁艇。

應天長慢

橫雲廢苑

錢芳標

斜陽秋意滿。度橋外危橋敗荷零亂。千仞雲屏尙插虹  
腰。天半櫻桃殘夢醒。問那是故家池館。空指點。歛牖地  
穿壞。牆蝸篆。野老往來慣。向釣渚。牽菰伎堂鋤蔓。禪  
板齋鐘。潛替雁。箏鵝管。淒涼吟眺。客漫徙。倚瘦筇支遍。  
誰解識三十年前錦溫花煖。

瑶華集卷十

滿庭芳

五十二首

水調歌頭

二十五首

鳳凰臺上憶吹簫

九首

塞孤

一首

徵招

一首

滿庭芳

和少游送別

陳子龍

紫燕翻風青梅帶雨共尋芳草啼痕明知此會不得久  
殷勤約畧別離時候綠楊外多少銷魂纔提起淚盈紅  
袖未說兩三分紛紛從去後瘦憎玉鏡寬損羅裙念  
飄零何處煙水相聞欲夢故人憔悴依稀只隔楚山雲

無過是怨花傷柳一樣怕黃昏。

水明樓觀競渡

吳偉業

紫葢黃旗白袍銀漿。画角聲撼潛虬。驟饒鬣怒意動，  
羅愁最憶龍艘。鳳舸迎鑾曲唱徹，揚州風吹散殘鱗。  
零甲金鼓霎時休。悠悠來此地，張牙弄爪，賭甚王侯。  
像重分吳楚，巧賽孫劉。回首煙波杳，靄斜陽外，幾點沙鷗。  
雞豚社村，簫蠻管燈火，水明樓。

太白山人太白亭成

鐵笛橫腰鶴瓢在手，烏巾白帽行吟。仙踪恍惚埋玉舊，  
煙林多少唐陵漢寢。王孫夢一樣銷沉。殘碑在，詩人高

士留得到而今 雲溪記此地相逢五隱白石同心喜  
今朝吾輩醉酒登臨忽聽松風驟響蘇門嘯髮髯遺音  
歸來晚峰頭斜日明日約重尋

家弟讌集

龔鼎孳

明月故鄉白頭兄弟催場又是離筵黃花紫蟹風物自  
年年四壁圖書瀟灑那更說問舍求田坐中客連車結  
駟千里誦豪賢 吾衰今已甚芳樽翠袖牽率周旋算  
侯封相印不換新篇讓汝青雲事業烏衣巷簪笏盈前  
還相約五湖煙水妻子鹿門仙

韋公祠西府海棠繁豔甲於京師不減慈恩壯

丹也三月十八日社集其下感幸係之

紅玉籠雲胭脂侵雪兩行顚豔驚奇乳鶯聲裏香雨一  
庭滋綉帶畱仙小立絳霞畔飄送瓊瑣消魂處如嗔欲  
笑狂眼任紛披珠鈿芳草路蹺空十載拋撇幽姿那  
甚過天寶再趁花期落月華清似夢么絃冷妃子容衰  
無情甚東風賣眼看殺爛柯棋

雨中花歎

綠剪裙腰紅消斜暈恰聽鶯轉空階海棠愁重羅幄暫  
徘徊那更簾鉤燭午消魂雨陡地驚摧無聊甚年年花  
語多半怨春來長生私誓後當風羯鼓燕憊蜂猜問

亭亭香影掃盡還開。竟似離雲萬疊。南浦約經歲纔回。  
殷勤囑朱樓。意懶無力踏青苔。

遺闈人新茗

箬葉雲籠銀瓶。風嫩旅客魂斷。鄉關。個儂情重千里。歷  
風煙憶得春江。穀雨藤蕪路早。隔仙凡。今何夕。輕骨慢  
啜紅蘂。正糊斑。佳人應倦。繡青燈小閣。細軸初翻。要  
親扶香影。吹上睂山。恰值珠簾半捲。芳磁送幽韻。無邊  
重攜手。欄花莫睡。明月晚粧前。

雨坐和竹逸

曹溶

陣急芭蕉聲。淒楊柳。點點飛向窗前。似會遺恨。流淚溼



金仙晝末香篝自潤羅襟薄別怨依然山厨下鄰家釀  
貴清坐撲疎煙 登高空有屐雲迷楚館花重吳天怕  
歲荒粳稻饑到歸田瞥見南樓逸客陸沉歎寄意瑤篇  
呼漁艇相迎晚霽涼月正娟娟

李晉王墓下作

殿宿莓苔岡平晶屬虛寢遙控簾鈞義兒成隊左右列  
松楸誰放沙陀雁影盤仙李飛入并州收京闕赤心家  
世長拱紫宸樓 英雄誇亞子提刀百戰囊矢前騎漸  
司香遺廟埋玉荒丘事去棠梨漫落滹沱化淚點長流  
金鳧出優伶天下麥餅一時休

觀女伎演淮陰故事

梁清標

絳燭清宵彩雲華。館蠻腰細舞迴風。嬋娟忽變繡襖染  
猩紅。鎖甲豔分雪色。堯蓋小雙頰芙蓉。瓊璣映將軍紅  
粉。錦繡黛眉同。登壇當日事。衣冠優孟寫出偏工。歎  
英雄佳麗。一樣飄蓬。飛絮落花舊恨誰憐。取桃李春穠  
乘夜月。衣香人面莫放酒杯空。

寒食

宋徵璧

雲覆銀塘風吹野。葛盈疇麥浪芊綿。玉孫芳草惆悵已  
連天。踏破牛羊丘壠。總理沒舊恨新憐。斜陽裏漫留華  
表回首一年年。平田愁此日龍蛇禁火往事相傳。但

銅駝棘裏石馬墳邊霸業已隨流水空遺痛血染帝腸  
傷心客春城眺望極目灑寒煙。

春閨

吳亮中

粉眼全青桃腮半赤黃鸝枝上初啼非因中酒何事睡  
偏宜自小深藏金屋香闈路夢去還迷方驚起小鬟來  
報燕子恰雙飛更衣隨步到衆芳亭畔芍藥欄西見  
花屏角裏矮矮朱扉正好低聲索問將從此逗去芳思  
回頭覩閒庭立久阿母見須疑。

秋日閒居

湯 斌

雲澹霜洲雁飛葭浦兩行煙樹柴門紙牕茅屋秋氣映

朝嗽壯歲歸田作賦十餘載高臥丘園耦耕者荷鋤問  
訊紅葉認山村。漫論今古事柴桑谷口。往蹟猶存。但  
茶香竹裏酒沸松根。倚枕清眠夢覺東籬看菊蕊堪飧  
憑欄坐南華一卷諷詠到黃昏。

歸鴉

錢繼章

風柳衰邊霜楓驕裏誰來點破輕冬啞啞成隊林外每  
相逢野店半帘斜漾空啼繞墨跡微濃鴉如語一伎幾  
許家有子如翁。西風聲斷處雲殘類剪山老猶童問  
誰堪託足虬水疑龍出谷破寒何早眠不穩水寺敲鐘  
繞飛也棲棲爭煖細揀向南松。

閨情

夏完淳

鶯轉花更蝶。圍香國。重闌朝暮愁歸。墜鞭人瘦。怎禁小  
風吹不爲春醒。懶起分香處。燕子來窺。芙蓉帳餘煙已  
渺。紅淚染離鞋。相逢何處也難尋。丹棘欲寄瓊鞋。恐  
蕭郎別後。淺淡愁斜。賸有菱花一半。已不是那日。崔徽  
長堤路。桃花帶雨。柳眼自含悲。

九日

萬錦雯

墜葉敲窗枯藤掃壁。西風吹老年華。自憐萍梗歲歲客  
爲家。又到重陽節也。從何覓桑榆煎茶。空回首。畫溪雲  
樹都被亂峰遮。天涯搖落恨。况逢多病。觸緒堪嗟。任

短衫塵浥破帽欹斜鎮日無人獨坐幾辜負綠醅黃花  
疎櫺外淡煙殘照鴈斷欲棲鴉

蘆花

董俞

崖暝侵雲江寒妬雪蕭蕭聲徧秋風傷心客路搖落正  
相同十月江南暮景空凝望煙雨冥濛誰爲伴鷗汀紫  
蓼漁舍更丹楓孤篷還夜泊一聲殘笛數點離鴻更  
憐他寂寞露蕊霜叢偶爾斜陽影裏還誤認柳絮漫空  
青山外平波渺渺幾欲泣途窮

答友人言志

王屋

秋橘三千春桑八百以茲歸老如何公言則爾吾願不

須多負郭溪田二頃。墻園竹四壁青蘿。兒能讀妻勤夜織。容我放任歌。婆娑堯舜日。家無征戍盜息鳴戈。養一群嬌鴨。幾對新鵝。釣月篷開。點點晴持笠。雨又披蓑。時方秦丁男。竝舉季弟力田科。

早秋過友人新居

蓼紫葵黃秋容正好。先生早賦歸來。柴門短短開傍曲溪隈。尚有餘貲。養鶴都無事。懶觸塵埃。松窗下黑甜一枕。興味果悠悠哉。霜酷花裏熟日高臥起。獨飲三杯。傲蕘之小草。寫徧池臺。靜對西鄰竹影清。無價臘月分栽。撰時序。今朝白露晚稻已含胎。

重九

四野煙清滿城雨霽天開此日重陽今年候早早稻已  
登場報道田家酒熟能賒否引領東岡登高去誰扶吾  
者一路野花黃山當西面缺萬竿竹好千尺松強喜  
閣開林杪消受秋光入座雲煙五色都教助老子文章  
揮毫處龍蛇走壁不雨氣蒼涼

代友

身寄雲安心飛故國夢回孤鶴橫江梅含珠萼將影就  
人雙翠被不勝寒重披衣坐強撥蘭釭吟莊舄哀絃觸  
手楚楚越南腔徒枉成也未征鴻過盡信斷鄉邦盼



鴛湖十里閑殺漁艖，猶記銀瓶貯水，扶頭起酒力初降。  
爐聲沸，月明在壁，風雨打山窗。

聽琴水恩樓

毛奇齡

微雨涼收，風翻橡葉，女牆斜點三星。水恩樓上，躡屐暗中聽。何處紫瓊初發，珠簾外、流水泠泠。停聲久，千崖忽障，玄鶴舞青冥。  
汾亭遙奏，後簫憐秦女，瑟怨湘靈。奈晚風吹角，秋雨淋鈴，黃草峽中。故伎冰凌下，私語銀屏。屏中睡，今宵無夢，有夢也應醒。

豔詞

海燕爭春，城烏啼曙，叢花滿闌干。虹梁日照，碧葉露

初乾昨夜新衣裁。就薰籠。煖翠簇紅。攢頻提視。羞人難  
著。只說曉粧寒。長干西去路。春江鴨綠。新水漫漫。早  
青牛未轍。駢馬金鞍。江畔垂楊。萬樹風吹。繞貝帶。扁欄  
粧樓望。踟躕水底。疑向鏡中看。

客遺予以舊王府之琴

漢室淮南藩。封澤潞。紅絃久擅空。桑攜來海甸。寶匣散  
珠光。碧軫瑤徽。幾額龍門樹。斲羽鏤。商人傳是乾清供。  
奉會遺賜諸王。崇禎題歲月。橫紋印綠蘇。帶流黃自  
王孫散去。淪落江湘。故國軒懸。何處燒桐。好付與中郎。  
誰知得紅絲。繫足。還是舊宮粧。

李晉王墓下作

朱彝尊

獨眼龍飛鷁兒軍至百戰真是英雄沙陀去後席捲定  
河東多少義兒子將千人敵一一論功爭誇道生來亞  
子信不愧而翁。前驅囊矢罷日三垂岡上置酒臨風  
歎綠衣天下回首成空冷落珠襦散盡殘碑在不辨魚  
蟲西林外哀湍斜照法鼓影堂中。

詠佛手柑和蓀友

青豆開房白牛露地春浮一樣根蟠風簾乍揭芳氣訝  
燒蘭不比金仙十二承珠露倒瀉銅盤雙林底知他鹿  
女幾度踏花看。園官傳送處烏皮旋設免瓊初安勝

甘蕉乳臭做攪漿酸攜到六街三市津梁倦彈指霜寒  
鏤酥片餘香未減分配小龍團

和錫鬯李晉王墓下作

曹貞吉

石馬無聲饑鳥作陣白楊風惡蕭蕭珠襦玉匣曾此葬  
人豪河朔同盟藩鎮分帶礪只汝功高真樂事錦囊三  
矢意氣快兒曹重開新霸府十年征戰充鄆之郊奈  
優伶日月粉墨親調惆悵諸陵寒食青青草麥飯誰燒  
豐碑臥牛羊礪角壤登走山樵

秋景

吳棠禎

紅樹藏鴉白蘋啼雁西風吹就輕寒小橋流水鎮日凭

闌干當日香堤軟酒倡樓女迎下雕鞍水簾內琴聲三  
弄燈影落花殘前歡何處是多情雙鬢白到潘安便  
重重書札難慰加餐井上梧桐又墮深閨夢定問刀環  
消魂也斷煙新月夜夜苧蘿山。

春游

蘼蔔含煙海棠籠霧一行春樹啼鶯回船雙槳天氣近  
清明燕蹴飛花紅雨東風急吹過高城香煙裏誰家少  
婦樓上洞簫聲生平買醉處放舟彭蠡走馬金陵有  
美人憐我珠幔逢迎十載紫雲舊曲聽歌館譜入銀箏  
徘徊久半村日午天淡遠山青

感舊

王嗣愧

歸鳥穿煙殘霞棲樹晚來深閉離門遣愁無計獨坐醉  
清尊欲問故園何處閒凝望敗葉紛紛西風起桂花香  
老冷露溼山村少年歡樂事驚笙鳳管曲罷宵分恹  
盛筵易散青髻難存夢裏繁華已歇看朱戶綠徧苔痕  
漁樵好負薪垂釣歸去正黃昏

秋夜斜橋步月

諸匡鼎

涼露初凝微風纔拂敗蘆夾岸蕭蕭披衣乍起攜手上  
斜橋夜半明珠落水銀盤裏蕩漾光搖徘徊望玉繩垂  
地珠斗正橫杓清宵人寂寂秋林把臂又許論交念

文章千古此日寥寥莫說凌雲豪氣儘容我去學漁樵  
雞聲唱蒼雲飛盡江上滾寒潮

弔袁荊州籜庵

鄧漢儀

茂苑花飛白門柳斷才人煞是淒涼夜烏啼處檀板刺  
青霜憶得袁絲按曲消魂也隻字難忘今朝裏騎鯨化  
鶴人去月茫茫當年曾出守章華夢曉巫峽雲香奈  
叔敖官罷江海空囊還更飄零綺席黃昏後指點絲黃  
誰能料歌猴向咽悄語別吳娘

春杪同雲臣其年枚吉汎舟西溪小飲南欄山  
房

林鼎復

綠樹陰濃白蘋水漲乍晴煙景波涵中流擊楫孤棹指  
荆南詞藻群推二妙湘江曲遠讓陳三空憑弔荒涼臺  
榭梁燕尙呢喃當年歌舞地雲消霧散澗愧林慚且  
賽裳空翠縱步名藍欲拜峰頭片石斜陽逼聯轡歸驂  
畱餘興觴行小令潦倒鏡中酣

花朝讌集陽羨署齋同雲臣其年賦

二月如秋梅花作雨春疑未到江南蘭舟蠟屐山水阻  
幽援陶寫全憑綠竹素心侶未夜高談談諧裏清歌豔  
曲到處有何哉琴尊群彥在主人揖客十又兼三更  
任詩沈筆文戰方酣爭說西溪勝概空晴日斗酒雙柑



待遊徧煙霞洞壑，觴味不爲貪。

徐竹逸先生見簡賦答

滇海薄書荆溪述，作較來得失何如。浮名蕉鹿高蹈託  
尊鱸千載，柴桑出處書。還讀吾愛吾盧，看君似出塵野  
雀，愧我效轅駒。傷心追往事，捕蛇說淺料。虎才疎，恨  
狂言觸忌，併力驅除。只道潑文刺骨，橐籥事衆，絳爭趨  
至今日，立身矮屋，促趣負江湖。

揚箏

石泚

繡湘堆紅綾，裙研碧玉人。悶倚雲屏，修蛾曼睩，凝望不  
勝情。愁徹雲山飄渺，花簪落，倭障縱橫。回頭見，雙娃昵

語徐按小銀箏。淒清粧鏡畔。聲聲別雁語。語流鶯更  
鈿蟬輕撥鐵騎爭鳴。彈到哀絃斷處。雕軒外。明月晶瑩  
魂飛也。捺情闕。恨知是薛瓊瓊。

寓日

張台柱

鼓雜潮聲。旗翻雲影。行營暫駐江臯。蒼鷹黃犬。小隊逐  
鳴鑣。海日風吹欲墮。塵沙起。暗滿弓刀。秋天迥。繡盃金  
鎧萬弩射銀濤。前朝曾見說江東。子弟竝是英豪。恁  
金湯灰滅。樓櫓煙消。珠玉故宮仍在。山滿日難返。征輶  
天涯外。王孫飲恨。鶯篋亂寒宵。

顛梁汾扈

駕詩題後

陳維崧

萬乘旌旗千官羽獵翠華絕塞重經珠鞭玉靶日黑虎  
風腥羨爾金閨年少陪游幸鳳輦龍庭霜天曉柝黃袍  
出一騎按秋鷹 至尊親講武火城漸杳交網猶局更  
北平城外嶺斷雲橫飛鞚傳宣七校黃羊酒前隊教停  
琵琶歌碧天氍帳一曲海東青

咏宣德窑青花脂粉箱爲萊陽姜學在賦

龍德殿邊月華門內萬枝鳳煽熒煌六宮半夜齊起試  
新粧詔賜口脂面藥花枝裊笑謝君王燒甕翠調鉛貯  
粉描画兩鴛鴦 當初溫室樹宮中事秘世上難詳但  
銅溝漲膩流出宮牆今日天家故物門攤賣冷市閒坊

摩娑怯內人紅袖慟哭話昭陽

蜀山謁東坡書院

水拍晴橋山衝春店飛花落絮悠颺打魚放鴨四月好  
年光此地林巒絕勝家家足碧澗幽篁斜坡上碎甌敗  
甕零亂補圍墻鳴榔思往事峨嵋仙客曾駐吾鄉惹  
溪山千載姓氏猶香今日紫姑聖女喧村賽畫鼓明粧  
殘碑在獨憐野草漸沒古祠堂山上俗有所謂娘娘廟  
是日香火最盛居民奔  
走如鶩而書院滅沒荒煙淡霧  
間無有過而問者詞以志慨

吾邑茶具俱出蜀山暮春泊舟山下賦此

白甌生涯紅泥作活亂煙細裊孤村春山脚下流水浴

柴門紫筍碧鱸時候溪橋上市販爭喧推篷望高吟杜  
句旭日散雞豚田園淳樸處牽車鸞舂壘石支垣看  
鴟夷撲滿磊磊丘樊而我偏憐茗器溫而粟溼翠難捫  
掀髯笑盈崖綠雪茶事正堪論

塘灣閣夜

龍光

練影初浮水輪正湧露梢微明新蛸驚鴉匝樹數點落  
星橋欸乃一聲輕去鏡中度劈破銀潮凭闌聽水晶簾  
畔離恨寄秦簫無曉歎宦海飄流未定松檜頻啣有  
看山當日曾掛詩瓢玉宇清涼無汗空辜負甲帳煙綃  
何年得六龍鞭起汗漫碧天遙

江浦旅中和楊亭玉見懷韻

龔雲起

湖近莫愁江連采石老年能不怡情片帆催我江上想  
南征庾信江南哀處天胡醉聲淚俱傾吾何敢秋風病  
骨空博酒徒名吾曾詩送爾津橋杜宇勸爾休驚二  
十年來矣相對江城但看東城講席誰揮管古意新聲  
朱門去吹簫不慣過鼓復彈箏

夜聽莊蝶庵鼓琴

張雲錦

茶熟龍團香添風餅夜深寒露初垂疎簾半捲天淡絳  
河低一派花枝柳葉遮不斷月影星輝閒窗靜張徽一  
曲不任彩雲飛淒淒絃乍促離群鶴怨獨舞鸞悲聽

江流聲咽雁陣驚回四座相看悄悄都不覺淚滿春衣  
東風外餘音未絕十樹曉鶯啼。

味佛手柑

秦松齡

名借西方種生南國偏宜人靜秋清小窗偷貯相映綠  
蕘明却是道家粧束香痕透經案雲屏深閨裏個人閒  
倚拋擲亂銀笙持將供大士現前金粟初卸珠璣更  
徵心掌豎微笑拈輕曾向靈山受記如今見魂夢都醒  
攜歸去墨描絲繡身在法王城。

元日

汪彩

綵勝翻新桃符換舊今朝又是今年春雷隱隱佳氣接

幽燕曉起一鞭行色霜花淨  
蹀躞連錢疎林外笙歌鼎沸  
新柳動炊煙年年當此日舞  
空膝下酒熟堂前正  
雙雙白髮笑語喧闐三十頭  
顛如故會經過萬里山川  
休惆悵長安日近屈指看花天

豐臺芍藥

關仙渠

紫陌風和青嶂雨潤花神  
駘宕丰姿連膝鬪豔千畝種  
交畦朶重苞含香細綠雲上  
一片星離嬌無力幾聲羯鼓  
扶起翠鬟低芳菲愛到處尋  
欄摘蕊繡裏香囹借閒亭曲  
砌分席傳卮更欲解衣盤礴  
忘歸去日已銜西他鄉地故  
人高會不醉也如泥



夏景

閻秀

錢夫人

古樹陰濃新篁翠淺乍陰過雨還晴方塘對岸畱得小  
紅英消受茶芽蕨筍鬆几淨雲母輕明薰風至釣絲搖  
曳無處立蜻蜓喜灌園君志辟纒吾職兩意相并把  
當前小景直擬蓬瀛安得塵勞盡謝長無事心境雙清  
家園好藕花如錦波面想盈盈

中秋坐月和素嘉甥女

沈蘭英

螢火流空蛩吟向夕水輪碾破瑤天香飄雲外桂子靜  
娟娟對月幾人無恙多半隔遠樹蒼煙難逢是一庭聯  
袂把盞看重圓淒涼無限况含毫欲寫泉紙盈箋任

金風拂面玉露侵肩。還惜良宵景促無繩繫。皓魄長懸  
應飛去。廣寒宮裏清影共愁眠。

中秋同諸姪坐月

沈樹榮

宿雨全收晚涼乍爽。微雲點綴長天。廣寒宮敞素面露  
嬋娟。影浸閒庭如水。看浮動梧竹和煙相依。處團圓共  
話人月恰雙圓。記闌干十二桂花叢下。分劈紅箋許  
詩成次韻學步隨肩。一向秋光隔斷清輝。好兩地空懸  
今夜末參橫斗轉幽賞不成眠。

咏鏡裏佳人

賀潔

花霧冥濛鳳幃春曉開。奩試啓青銅玉臺高架擎出廣

寒宮何事逗娥影，隻蟾蜍杳玉兔無踪。垂檀袖微風乍  
舉，彷彿似驚鴻。微慵舒柳葉芙蓉，兩頰淺黛輕紅更  
嬌。嗔巧笑一瞬，千容羨煞，生香真色。恁丹青描畫，能同  
悔空費。簾金購奪周昉，画屏風。

山窗春雨

龔靜照

春雨淹淹春愁脉脉，嬌黃媚紫都非韶華。幾許九十半  
成，違風煖水紋如皺。凭闌處漫浸芳菲，醒殘夢多情未  
減。忘處轉依依。追思曾玩賞，舊時情事，珠淚頻揮。漸  
看看成病，減却香圍。客裏清明過也，空贏得綠慘紅稀。  
如萍燕東西飄泊，不解認人歸。

水調歌頭

憶吳志行令成都

宋徵璧

文錦一何麗，秋到錦官城。城外橋行萬里，城內錦機鳴。  
意欲乘槎西去，縱步覓蠶叢。路上肆問君，平莫辨支機。  
在星斗，但縱橫。拂玉兔，搗玉杵，把霓旌。廣寒淒切，何  
日搔首掣長鯨。已作五湖狂客，未遇三山道士，華髮竟  
何成。慷慨數行下，長嘯謝浮名。

懷舊

曹爾堪

螺黛凝煙，鬢鴨綠，膩春塘。相逢恰是麗景橫。笛噴清商，  
素質休教粉污。自有天然標格。淡掃壽陽粧，醋醋猩裙。

豔盼盼燕泥香。芹芽白蘭芽紫艤歸航。舊時舞榭何處。畫壁女蘿荒草。沒銀箏院落。苔長鳳鞵花。逕佳節倍思量。一百五寒食七十二鴛鴦。

贈歌者

五月黃梅雨。鶯囀芋衫天。西園恰有新曲。雁柱瀉珠圓。初似犇泉決溜。又似小窗兒女。銀甲蹙鵝絃。紅粉圍香陣。花顫舞筵前。涼州調。涸城唱劇。堪憐憐伊人。破餘響。鐵馬鬪風煙。星散何戡歌板。灰冷寧王玉笛腸。斷舊因緣。流落賀懷智。老大李延年。

生日喜雪

杜濬

洗足山中夜高枕鼓跌眠長宵清寂無夢只此便通仙  
豈料披衣刮目瞥見高溪一白使我發狂顛今日是何  
日今歲是何年 新春後殘臘半上元邊無人知我出  
世元屬古堯天坐見飛瓊積玉但願千齡萬代凍合此  
山川何處生戎馬無地起烽煙

冬暮惠山松下送其年返荆溪 余 懷

六代典亾地分手各茫然長松落落千尺黛色直參天  
山上龍蛇蜿蜒山下樓臺縹緲白石湧清泉玉笛吹花  
外銀甲卸尊前 徐娘老秋娘病倩誰憐憐君湖海豪  
氣彩筆撼風煙我有新詞麗句自付雪兒紅豆不必萬

人傳惜別在此日相見是明年

孤山偶題

毛先舒

澹厭梅暎色靜恠鶴多情此何時候灩灩湖水照人清  
終日蒲團燕坐方寸虛空寥闊那似不曾生一任閒花  
草長與石牀平長橋外開卷面澹橫青林逋含笑來  
報西子晚粧成我已悠然喪我無復相關物態山色與  
溪聲只友太虛子相好不寒盟

書案玉樓壁

吳棠楨

昨夜黃鸝語春色滿芳洲  
蠡城宛委山畔舊築讀書樓  
其下種成花木其上貯以圖史  
容我幾千秋閉戶一無

事客到始梳頭。青鬢女烏鹽曲白螺舟。平生儘可行  
樂風捲落紅愁。常笑涓濱垂釣。更歎商山采藥。尙替廟  
廊憂。拜表玉皇去。新賜睡鄉侯。

少年

丁 澎

紫陌香塵起。狹路少年游。連錢寶馬。珠勒柳外。擲吳鉤。  
望見倉琅青漆。不問君家。誠是隨意脫。鸛裘浪說張公  
子。調笑擘筵篋。翠睨燼鈿蟬。落暗凝眸。櫻桃花下沉  
醉。低語問歸休。郎在金明池上。妾住善和坊裏。相去十  
三樓。鳳蠟嫌宵短。不信有春愁。

中秋

鄒祇謨



何處吹蘆管雙劍倚長天  
銀河萬斛瀟瀟洗風景似當年  
料得玳樓簾捲又怕玉人衣薄香裏夜珠寒  
破鏡銜團扇寂寞小樓間  
飄蝶夢驚鳥睡覺花眠剛道人間月  
半天上月團圓我是前身金粟伊是今生玉女何事不  
周全待駕青虬去仔細問嬋娟

釣臺

曹溶

行過富春渚絕壁倚青天  
披裘男子高臥安取客星懸  
手弄桐廬煙霧秋水不隨人  
老花覆打魚船青史幾興廢  
竿影至今圓摘松鬣摩蘚石  
恨高寒謝家如意偏到山頂  
泣嬋娟欲起雲臺將相羅拜  
先生牀下漢鼎定

千年舊事莫深論。時且安眠。

醉後作

潘高

半醉看微霰。門外雪黏湖。有誰風景如此。看句也曾無。  
憶自扁舟入手。聽徧江南夜雨。處處是蓬壺。休恠溪山  
畔。狂倒老潛夫。百年內無恙否。酒家胡。功名事業到  
底。饒爾欲何如。不見相如滌器。不見子雲投閣。底事苦  
相辜。白髮真無賴。綠醕更應沽。

秋水

石伊

蘭漿盪修岸。玉浦瑩玲瓏。愛他蕭林霜葉。新點縵紋紅。  
我欲臨流垂餌。又遇恬鱗伏甲。空釣一溪風。四顧蒼煙

起葭菼有無中。漾殘酌。飄細帶。攬香翦。棹歌何處紅。  
蓼洲畔。綠簑翁。貪戀清泉白石。那管斜陽衰草碧。映水  
天空。月上誰悲。嗚波底有魚龍。

湖汎有感

陸進

連日雨新霽。小艇泛西陵。四山一望如沐。樹樹滴空青。  
上下蟬聲斷續。遠近魚舟杳靄。笳吹起嚴城。荷葉正開  
處。冉冉曉霞輕。憶往日。攜紅袖。酌瑤觥。月到綠楊堤  
畔。環坐撥銀箏。簫鼓斷橋聲歇。金粉綺樓人醉。猶自撲  
流螢。鐘動上方靜。高興轉還生。

過長蕩湖望三茅峰

陳維崧

我任太湖日。四面匝煙鬢。周迴縈青綠。黛中托白銀盤。  
且縱龍宮一葦。耕破瓊田萬畝。笑傲水雲寬。篷背唱銅  
斗沙尾。辨金壇。雪浪吼大魚出。蠹如山。茅家兄弟笑  
我前路足風湍。君自驂鶴翳鶴。我自騎鯨跨鯉。各自不  
相關。揮手謝之去。吹笛弄潺湲。

輓萊陽姜如農先生

先生前朝以建言予杖遣  
戍宜州會變未達躡居吳

門三十年癸丑疾革遺命葬敬亭

之麓聞者悲其志謚貞毅先生

東海黃門老疾革。話悲酸。呼兒吾骨累汝。霜剪一燈寒。  
休返田橫島上。何用要離冢側。莫恤道途艱。憶奉重華  
命。遣往敬亭山。三十載。憐弱水。幾回乾。鐵衣生。旣未

着鬼亦戎其間。此地層崖杏嶂，正接蔣陵鍾阜，紫翠湧  
千盤。若有人兮，在竦劍守重關。

題遠公畫洞山圖送天石北上

何以贈行卷，而作洞山圖。旁人拍手大笑，畫者復誰歟。  
此去燕姬馬，湏况足金莖。仙滄茗椀，酷非須，卿復攜來。  
香長柄有葫蘆。掀髯語，畫此者定非迂，敗盡朱門酒  
肉。只此味清腴，縱挾綾文三百，日給龍團鳳餅，曾似故  
園無。十丈紅塵裏，一幅冷秋菰。

醉歌

尤侗

左手把杯，右手握刀，環快哉。吾欲浮白醉，卽舞雙丸。

讀罷一編遺史斷盡千秋公案怒髮每衝冠椎鐵擊秦  
政過鼓罵曹瞞而今事增一笑總般般人情大抵難  
測翻覆似波瀾休問英雄豈子富貴合輸公等已矣復  
何言仰視四天白長嘯倚闌干

送陳六謙之任安邑丞

曹貞吉

琴鶴蕭然去爲政足風流何意鳳漂鸞泊百里借君侯  
三晉雲山北向咫尺二陵風雨颯颯動離愁雪片大如  
手匹馬過蘆溝門霜戟人繡虎筆銀鈞禹都吟眺淋  
漓墨瀋碧峰頭試到野狐泉上入望鹽花似霧夫寶物  
華收欲問段干木舊蹟杳難求

釣龍臺懷古

林麟焜

袞袞江山麗登覽亦雄哉  
茫茫雲水無際胸次起崔嵬  
人道越王當日鐵馬金戈割據會  
釣白龍來伯業已消歇俯仰祇荒臺  
殘焰裏草樹外角聲催沿江戰艦排  
列橫海靖氛埃一片銀濤雪浪千古蝸爭蟻鬪廣武笑庸才  
庾信寂蕭瑟詞賦只悲哀

言志

陸次雲

久有買山志未有買山錢  
安得青蚨滿囊瀟灑向林泉  
中買數椽茅屋左買千竿修竹  
右買半畦山下買碧流水上買白雲天  
天映水水繞屋屋生煙煙籠芳樹樹

頭山果熟籬前不羨朱門  
画戟不羨紅樓綉幙只羨釣  
溪邊寄語靈臺使莫奏客星懸

丙辰中秋秋分和東坡韻

周在浚

露洗殘雲淨明月獨中天  
家家試聽簫鼓依舊太平年  
人道良宵難邁我喜秋分恰  
至桂影亦微寒鴻雁何方  
至飄渺有無間人散後移  
竹榻抱琴眠紛紛門外雜  
沓遠隊看場圓莫歎水輪一  
點照徹狼煙千里好事古  
難全多少征夫淚翹首望  
嬋娟

放船

李符

歷亂渚花發斷續權歌低  
秦時一片長水歲歲草萋萋



不着謝公蠟屐且抱鄂君繡被柔櫓鏡中移招手呼漁  
父共去采江蘼。追疇昔呂梁北洞庭西驚濤朝暮喧  
枕擊鼓賽馮尼長向柁樓晚飯何似船窗春酒支卷醉  
眠歛今日還家樂遮莫子規啼

溪泛

曹亮武

最愛兩溪水溪上點青螺茫茫一葦萬頃樂事不須他  
塵市那堪鬱悒每到水天佳處煩渴總消磨浩蕩數聲  
笛響透毒龍窩休搔首追往事怨蹉跎今宵輦紋明  
淨倩汝浸金波容我百壺頻送醉倚篷窗極目獨自放  
狂歌但願柳陰下長此共漁簑

重九前二日將入城先寄兄弟 陳維岳

酒熟車螯美料理便相從  
持螯把酒勞苦此日仗諸公  
才藻不如吾孟世務不如吾季  
季孟處其中推罵任餘  
子鼓弄付天翁 百年內休悵悵  
莫喁喁况是江南佳  
景聚首最難逢一笠一瓢生計  
一詠一吟情致放眼看  
秋峰沾袖白蘋雨吹帽菊花風

五陵俠少

陳維岱

白面誰家子腰下佩銀鐙短衣匹馬馳驟遊俠遍三吳  
更向長安道上不惜黃金千鎰調笑酒家胡兄尙平陽  
主弟拜執金吾 行樂處追從者綠鞵奴一生有力如

虎人號小於菟最愛灌夫籍福暇日吹簫擊筑自笑一  
愁無朱邸春留客紅燭夜呼盧

鳳凰臺上憶吹簫

送姜學在由吳門遊白下

王士祿

鄴下才名山東英妙臯橋流寓頻年道幽情雅弇山月  
江煙那便莫釐縹緲鎮了却蠟屐清緣還縈想青溪曲  
裏朱雀橋邊 悠然緬懷曩蹟有仙人西浦太子東田  
拾六朝金粉好入新篇掉取春潮孤往依稀似臨汝租  
船遙相羨柳花撲店春酒如泉

送孫介夫之石城

宗元鼎

燕子磯頭龍江開口石城流水湯湯看六朝縹瓦鱗火  
斜陽生長東南舊族易衣巷五畝園荒聞君去百端交  
集煙月茫茫 茫茫此時遊屐止雪藕水瓜越桂吳薑  
雜板橋燈火金粉齊梁好是秦淮簾檻大都勝滄苑匪  
楊應相待酒樓孫楚高詠壺觴

感舊

顧貞觀

鏡展瀟湘樓楚卷画圍人終日廉纖似春眠未覺別夢  
相兼那得箇閑心緒待剖白舊素新縑感來也玉肌生  
粟一餉寒嚴 鱗鱗何曾比日向百尺竿頭斷送估鮎  
想當初崖蜜知爲誰甜挑取羅中袖口把住字細齧重

擗拚狼籍墨痕清淚小印紅鉗。

辛酉除夕得顧五閩中消息

成德

神燕慵圖朱泥罷印新詩待擬燃脂喜螺江雙鯉忽送  
相思惆悵頻年離恨匆匆裏一紙難題料應是行人臨  
發封又遲遲誰知梅花佳句與粉郎香令一樣淒迷

辛稼軒在閩之三山有梅花相思之句粉郎香令梁汾集中語記画屏今夕共賦絲雞

剔盡殘燈無焰慈恩夢風又東西重來日梧桐夜雨却  
話桃谿

園亭避暑

錢繼章

螢逗窗疎蟬添樹密豆棚瓜架先秋列石牀琴磴藤扇

磁甌中有茅堂一榻。四壁冷茂。夏陰稠。閒箕踞。綠生素  
髮碧浸蒼眸。休休一聲歎也。任弄竹調絲。那解閒愁。  
且詩箋鉛粉。易點丹油。無病相如。渴臥不從軍。主粲登  
樓斜陽恨。一杯海水九點齊州。

聽雨

徐允貞

僻溼迴塘煙迷。曲院簾櫳半作秋聲。况黃昏時候。影暈  
孤燈。倦倚闌干。無伴驚。幾陣斷續。簷鈴心耿耿。閑拋玉  
子斜按銀箏。淒清瀟湘何處。任蕉扇荷裳繞。徧池亭。  
看無情芳草。南浦青青樓外。遠山沉翠。應似我愁夢難  
醒。彷彿是低敲。綉戶人影窗楞。

送孫介夫之石城

邵漢儀

燕泊邗堤蟬嘶江館送君更上吳舸擬石城踏月淮水  
聽簫况值秋風將近正暮雨咽斷空潮好登閣閣招北  
里細譜南朝蕭蕭君今一去有誰同載酒復向紅橋  
念經年聚首一旦魂消縱說魚箋易達何如昨銀燭相  
邀還生怕曹娥廟口又放歸橈

閨思

程光祿

有意拈針無心添線何時細語莞眉正蝶雙牆裏燕偶  
簾前好把春心攪亂渾無緒總爲情牽難畱住梨妝褪  
雪桃靨飛煙無絲箇人去也應綉着芙蓉藕斷絲連

任門塵蛛網皆積苔錢池畔微波吹皺春殘處柳岸莎  
田風來了桐花亂落敲響琴絃

爲牧翁題周昉美人調鸚圖

蔣景祁

宮漏穿花衣香尋夢曉來閒煞瑤箏念煖催紅杏紫燕  
調聲解語雪衣親教千百遍貞葉分明新題就御溝詩  
句重付卿卿傾城宣州長史把真色生香寫入丹青  
便淡妝輕束秦虢應稱依約張君新嬾遠山角裊裊亭  
亭圍開也陽臺未暮春殿初醒

塞孤

宣武城外書所見

陳維松



北風如箭吼城門。啓不斷香車流水。側捲綉簾。拖燕尾  
巫鼓唱蠻簫。賽烏孫別紫臺人。黃鵠寡青溪妹。粉襟兒  
畔多少紅淚。誰唱勅勒歌。亦盡消魂事。綉鏃殘骸攢  
蝟樹腹崖根。潛老魅。招蜀魄。呼湘鬼。鵲已叫洛陽城。鶴  
未返遼西市。總春閨夢中夫婦。

徵招

送宋性存歸吳門

陳維崧

一燈分做還鄉夢。君今果然歸矣。殘月曉風天。暫挽君  
雙袂。柳條今賸幾。待折贈。沉吟無計。君到江南。定逢梅  
放也。應相寄。來夜白溝河。雞聲店料。爾早寒人起。誰

念鳳城邊有倚闌心事。暮雲千萬里。留我作天涯游子。  
我亦有茆屋三間六朝斜照裏。